

اونینگ گو جری نیوز بلیٹن مورخہ 15 اپریل 2025

## HEADLINES

- ۱۔ وزیر اعظم نریندر مودی ۹۱ اپریل نانہہ ادھمپور سرینگر بارہمولہ ریل رابطہ غا آخری حصہ غو افتتاح کریں گا۔
- ۲۔ وزیر اعلیٰ عمر عبداللہ نے کہیو کہ سیاحت غی ترقی صرف اعدادو شمار تک محدود نہیں ہونی چاہیے بلکہ معیاری تجربات تے پائیدار ترقی ور وی توجہ دینی چاہیے۔
- ۳۔ آن آلا سالانہ امرناتھ یاترا واسطے گزشتہ روز تیں اندراج شروع ہو گئیوے۔
- ۴۔ ضلع پونچھ مانہہ گزشتہ رات حفاظت دستاں تے دہشت گرداں غے درمیان تصادم توں بعد بڑا پیمانہ ور تلاشی کاروائی جاری ہے۔
- ۵۔ بھارت غو حج قوتو اس سال بدھ غے ۱ لکھ ۵۷ ہزار ہو گئیوے۔

\*\*\*\*\*

## PM USBRL

وزیر اعظم نریندر مودی ۹۱ اپریل نانہہ ادھمپور سرینگر بارہمولہ ریل رابطہ غا آخری حصہ غو افتتاح کریں گاجس تیں بعد پہلی وار جموں تیں سرینگر توڑی براہ راست ریل رابطو ممکن ہو جے غو اس مکمل ریل لائن مانہہ دنیا گو سب تیں اچو چناب پل تے بھارت غو پہلو کیل ریلوے پل آنجی کھڈ وی شامل ہے۔ افتتاح تیں پہلاں حفاظت غ اسخت انتظام کیا گیا ہیں خاص طور ور چناب پل تے اہم ٹریک حصاں ور جگہ جگہ سی سی ٹی وی کیمرہ غے ذریعے نگرانی کی جارہی ہے۔ معزز مہماناں تے شہریاں گا استقبال واسطے تیاریاں جاری ہیں۔ اواں ریاستی غا بکل گراں مانہہ چناب ریلوے پل غا افتتاح تیں پہلاں خوشی غی لیر لب رہی ہے۔ آکاشوانی غا خبراں آلا شعبہ سنگ گل کرتا واں مقامی لوکاں نے اپنی خوشی غو اظہار کرتا واں اس طرح کہیو۔

\*\*\*\*\*

## CM TOURISM

سیاحت نانہہ فروغ دین غی کوشش مانہہ وزیر اعلیٰ عمر عبداللہ نے نوی دہلی مانہہ انڈین چیمبر آف کامرس غے زیر اہتمام ایک خصوصی اجلاس تیں خطاب کرتا واں کہی وکہ ہم نانہہ اقدار ور مبنی سیاحت نانہہ فروغ دینو وے غو اُنہاں نے کہیو کہ حکومت غو مقصد سیاحت غا شعبہ نانہہ مختلف قسم تے نوا مقامات نانہہ متعارف کروانو ہے تانجے ہر سیاح اس خطہ غا ثقافتی ورثہ تے قدرتی خوبصورتی تیں لطف اندوز ہو سکے۔ وزیر اعلیٰ نے اُس گل ور وی زور دتو کہ سیاحت غی ترقی صرف اعدادو شمار تک محدود نہیں ہونی چاہیے بلکہ معیاری تجربات تے پائیدار ترقی ور وی توجہ دینی چاہیے۔ اس اجلاس مانہہ سیاحت تے وابستہ اہم شراکت داراں نے شرکت کی۔

\*\*\*\*\*

## REGISTRATION AMARNATH

آن آلا سالانہ امرناتھ یاترا واسطے گزشتہ روز تیں اندراج شروع ہو گئیوے تے یاہ یاتراہ ۳ جولائی توں شروع وے غی۔ آکاشوانی جموں غا نامہنگار نے اطلاع دتی ہے کہ یاتری شری امرناتھ جی شرائین بورڈ غی ویب سائٹ غے ذریعے یا آف لائن بھارت بھر مانہہ ۵ سو ۰۴ توں متہ مجاز بینک ساخان مانہہ تے علاقہ نامزد مراکز جسرہ پنچایت بھون ویشنوی دام تے محاجن ہال غے ذریعے آن لائن اندراج کرسکیں۔ اندراج تمام یاترایاں واسطے لازمی ہے تے ایک صحت مند وی ضروری ہے جہیڑی جے طبی اداراں غے ذریعے جاری کی گئی وے واضع رہ جے ہر یاتری واسطے اندراج فیس ۲ سو ۰۲ روپیہ ہیں تے ان توں علاقہ تمام یاتریاں واسطے آر ایف آئی ڈی کارڈ غو ہونو لازمی ہے اس بارے سرکل ہیڈ پنجاب نیشنل بینک انیل کمار شرمانے اس طرح کہیو۔

\*\*\*\*\*

## RAJOURI ACCIDENT

جموں پونچھ قومی شاہراہ ور اج سویرے راجوری ضلع گا گمبھیر برہمنہ غے قریب ایک سڑک حادثہ مانہہ کم از کم ۸ افراد زخمی ہو گیا یوہ حادثو اُس ویلے پیش آيو جد ایک مسافر گڈی سڑک توں پھسل غے گٹارمل غا مقام ور ایک دونگی کھائی مانہہ جاہنی مہارا نامہنگار گو کہنو ہے کہ اجیں توڑی حادثہ غی وجہ معلوم نہی ہوسکی تاہم پولیس نے واقعہ غی جانکاری لیٹا واں تفتیش شروع کردتیہے۔ آکاشوانی غا خبراں آلہ شعبہ سنگ گل کرتا واں گورنمنٹ میڈیکل کالج راجوری غا سپر انٹنڈنٹ شمیم احمد نے اس طرح کہیو۔

\*\*\*\*\*

## POONCH SEARCH OPERATION

ضلع پونچھ غا لسانہ گراں مانہہ گزشتہ رات حفاظت دستاں تے دہشت گرداں غے درمیان تصادم توں بعد بڑا پیمانہ ور تلاشی کاروائی جاری ہے واضع رہ جے اس علاقہ نانہہ دہشت گرداں غی موجودگی بارے اطلاع ملتا ہی فوج پولیس تے سی آر پی ایف غی طرفوں ایک مشترکہ کاروائی شروع کی تے تلاشی غے دوران

دہشت گرداں نے حفاظتی دستاں ور گولی چلائی جد کہ حفاظتی دستاں نے وی جوابی کاروائی شروع کی اس دوران پورا علاقہ نانہہ گھیرا مانہہ لیو گیو تے تلاشی کاروائی جاری ہے۔ مزید تفصیلات غی اجیں اڈیک ہے۔

\*\*\*\*\*

## HAJJ QUOTA

مرکزی حکومت غی جانب تیں بھارتی مسلم برادری واسطے بچ نانہہ ترجیح دینمانہہ بھارت غا بچ کوٹہ مانہہ نامیو اضافو ہوو ہے ۴۱۰۲ مانہہ یوہ قوٹو ۱ لکھ ۶۳ ہزار ۰۲ تھو جہیرو ۵۲۰۲ مانہہ بدھ غے ۱ لکھ ۵۷ ہزار ۵۲ ہوگیو ہے یوہ قوٹو ہر سال سودی حکام غی جانب تیں بھارتی حکومت غے نال باہمی مشاورت تیں طے کیو جے۔ وزارتی اقلیتی امور غے مطابق تمام ضروری تیاریاں جسراں کہ پروازاں غو وقت ٹرانسپورٹیشن مینا کیمپ تے رہائش غا اہندوبست وی کیا جارہیا ہیں تانجے عازمین بچ واسطے درخواست تے سفر غا عمل نانہہ آسان بنایو جاسکے۔

\*\*\*\*\*

## RANA PUBLIC MEETING

وزیر بارئے جل شکتی جنگلات ماہولیات تے قبائلی امور جاوید احمد رانائے مقامی شکایت سنن واسطے کوٹہ موڑ ادھمپور مانہہ ایک عوامی میٹنگ کی۔ اس میٹنگ مانہ کئی وفود نے اپنا اپنا مسائل چایا جس مانہہ گرمیاں گا موسم غے دوران پانی بے قاعدگی جنگلات بارے قانون غو ست نفاذ تے قبائلی سب پلان غے تحت بہتر ڈھانچہ غی ضرورت شامل ہیں۔ وزیر نے اُت گا لوکاں نانہہ یقین دوايو کہ اُن گا جائیزہ مطالبات نانہہ مرحلہ وار طریقہ سنگ دور کیو جے غو تے پورا خطہ مانہہ عومی بہبود تے جامع ترقی واسطے سرکار غا عزم گو اعدو کیو جائے گو۔

\*\*\*\*\*

## MUGHAL ROAD REOPENS

ایک اہم پی شرفت مانہ تاریخی مغل روڈ جہیڑی پونچھ تے راجوری غا جوڑواں سرحدان ا فلاض نانہہ وادی کشمیر گا شویاں سنگ جوڑے بھاری برف جمع ہون تے پسی پین غی صفائی توں بعد ایک طرفہ آو جائی واسطے کھول دتی گئی گتیاں غی آو جائی غی اجازت سویرے ۰۱ بجے توں دوپہر ۳ بجے غے درمیان وے غی۔ اس بارے حکام نے مسافراں ور زور دتو ہے کہ وے احتیاط برتیں تے ٹریفک غا جابطاں ور عمل کریں تاکہ راہ مانہ ہموار تے محفوظ گزر گاہ نانہہ یقینی بنایو جاسکے۔

\*\*\*\*\*

## FARMING RAMBAN

ریاسی ضلع غا کئی لوکاں نے سرکاری سکیمیں غی مدد تیں کھیتی باڑی نانہہ اپنایو ہے تے کامیابی حاصل کی ہے اُن لوکاں نے مکمل طور ور زراعت نانہہ اپنو پیشو بنایو ہے تے سٹابری جیسی فصلاں نانہہ آگا غے اچھی آمدنی حاصل کی ہے۔ حکومت غی جانب تیں دتی جان آلی مدد تے جدید پائیدار زراعت غا طریقاں نے دیہی علاقان مانہہ نوا مواقعہ پیدا کیا ہیں۔ اس تبدیلی تیں دیگر لوگ وی زراعت نانہہ ایک کامیاب پیشہ غا طور ور دیکھ رہیا ہیں۔ آکاشوانی غا خبراں آلہ شعوبہ سنگ گل کرتا واں ایک کسان نے جتندر سنگھ نے اس طرح کہیو۔

\*\*\*\*\*

## UDHAMPUR TRANSFORMERS

ادھمپور ویسٹ گا اسمبلی رپکن پون کمار گپتا نے ۲ بجلی غا ٹرانسفارمر غو افتتاح کیو جن غی ہر ایکن غی گنجائیش ۰۳ کلو واٹ امپیر ہے یوہ قدم حیب تے کمبل ڈنگا مقامات غی بجلی فراہمی نانہہ بہتر بنان واسطے کیو گیو ہے جس تیں کئی گھراں نانہہ فائدو پُجے گو جہیڑا پچھلا کئی براں تیں بار بار بجلی غا جان تے کم لوہ غی وجہ تیں پریشان تھا۔

\*\*\*\*\*